



**SOMOS DE XÉNERU  
LLUCHADOR**

La hestoria escontra l'odiu



El sistema reconociales  
namás embaxo'l  
conceutu de la  
homosexualidá. Pero,  
lloñe de dixebrar les  
lluches, esto favoreció  
una axuntanza  
coleutiva alredu de  
vindicaciones comunes.

Nun s'entien de que les  
persones que  
cuestionen el  
constructu social que  
ye'l xéneru y que traten  
d'abrir camín haza  
formes más llibres de  
vivir la identidá sigan  
someties a  
invisibilización,  
ridiculización y  
violencies.

## ANALÍS DE LA SITUACIÓN DE LA LLUCHA POLA IDENTIDÁ DE XÉNERU

Dende va unos años, los drechos LGTBIQA+ tán sufriendo **retrocesos** y siendo cuestionaos mundialmente. Sicasí, nos postreros 50 años, nes sociedaes más secularizaes prodúxose **un progresu (cuasi) llineal gracias a la llucha social y a la normalización de les realidaes LGTBIQA+.**

Nel estáu español, pue vese l'entamu d'esa etapa cola llegada de la Transición. Hasta entós, **les persones LGTBIQA+ taben someties a una fuerte discriminación ilegal nel réxime franquista.** Esta represión materializábase primero cola reforma homofóbica de la llei de Vagos y Maleantes [1.] y, más tarde, cola llei sobre Peligrosidá y Rehabilitación Social [2.], qu'aumentó entá más la **criminalización** de les nueses realidaes.

Nesi momentu, toles identidaes y lluches del coleutivu taben **invisibilizaes** como realidaes propies y diferentes. El sistema reconociales namás embaxo'l conceutu de la homosexualidá. Pero, lloñe de dixebrar les lluches, esto favoreció una **axuntanza coleutiva alredu de vindicaciones comunes.** Dende'l principiu hebo un fuerte sentimientu d'**unidá escontra les agresiones y un espíritu de collaboración** pa lluchar xuntes y deprender unes d'otres. Tanto ye asina que munches vegaes lluchábase con arguyu embaxo la etiqueta de "maricones", reapropiándose d'un insultu pa convertilu nuna ferramienta d'unidá y resistencia.

No que cinca a **les persones trans y les disidencies del xéneru binariu**, la llegada de la democracia y el trabayu de los movimientos sociales consigueron eliminar les lleis represives franquistes. Sicasí, **munches estructures d'arrequexamientu siguieron presentes.** La llucha pola lliberación de xéneru tuvo que siguir abriendo camín y enfrentándose a la ignorancia y al odiu inculcáu socialmente.

Nesta llucha hebo dellos **momentos importantes:** la posibilidá del cambiu ilegal de xéneru —aunque entendíu dende parámetros médicos y con requisitu de ciruxía—, la despatoloxización de les identidaes trans per parte de la Organización Mundial de la Salud nel 2018 cola retirada de la "disforia de xéneru" como trestornu mental [3.], y finalmente l'aprobación de la llei Trans y LGTBI d'España, que reconoció l'**autodeterminación de xéneru** [4.].



N'Asturies hai entovía munchu que facer. Anguaño inda nun s'aprobó una llei autonómica que protexa al coleutivu LGTBIQA+, anque sí hai una propuesta en trámite col envís de garantizar los nuegos drechos.

Sicasí, el sistema y esta hestoria queer más *mainstream* siguen dexando **otres realidaes de xéneru ensin visibilizar** como'l non binarismu. Ye importante sorrayar que la identidá de caúna nun necesita namás etiquetes, necesita respetu y ganas de deprender. La ignorancia sobre les nueves realidaes pue entendese nun contestu hestóricu nel que **siempre** tuvimos **nos requexos**. Por embargu, nun s'entiende que les persones que cuestionen el constructu social que ye'l xéneru y que traten d'abrir camín haza formes más llibres de vivir la identidá sigan **sometíes a invisibilización, ridiculización y violencies**.

**N'Asturies** hai entovía munchu que facer. Anguaño **inda nun s'aprobó una llei autonómica que protexa al coleutivu LGTBIQA+**, anque sí hai una propuesta en trámite col envís de garantizar los nuegos drechos. El **borrador de la llei asturiana** fala de garantizar la llibertá pa vivir la orientación sexual, la identidá sexual, la espresión de xéneru, les característiques sexuales y la diversidá familiar nel Principáu d'Asturies. [5.]

Esto ye especialmente importante pa la **reciella trans**, que güei sigue sufriendo **altos niveles d'acosu** y una **situación especialmente vulnerable en materia de salú mental**. A nivel mundial, UNESCO y ACNUDH señalen que la mocedá LGTBIQA+ sufre tases más altes d'acosu escolar que la mocedá non LGTBIQA+ [6.]. Nel casu asturianu, l'**Observatoriu Asturianu escontra la LGTBIfobia** aprobó en 2024 una **declaración institucional** condenando agresiones recientes contra persones LGTBIQ+ en Xixón y comprometiéndose a seguir avanzando na defensa de los sos drechos. [7.]

A nivel mundial, UNESCO y ACNUDH señalen que la mocedá LGTBIQA+ sufre tases más altes d'acosu escolar que la mocedá non LGTBIQA+.

Si falamos de desigualdá y violencies escontra les identidaes de xéneru disidentes, tenemos munchos datos a nivel estatal, européu y internacional. Sicasí, **n'Asturies hai una gran falta de datos públicos**. El Portal de Tresporencia del Principáu recueye que l'Observatoriu Asturianu escontra la LGTBIfobia ye un órganu de consulta y participación p'asesorar a l'Alministración asturiana en materia de discriminación contra persones LGTBI, pero **nun apaez un repositoriu públicu accesible colos sos informes añales completos**. [8.]



L'Observatoriu Asturianu escontra la LGTBIfobia aprobó en 2024 una declaración institucional condenando agresiones recientes contra persones LGTBIQ+ en Xixón y comprometiéndose a seguir avanzando na defensa de los sos drechos.

L'informe "Estado del Odio LGTBI+ 2023" señala que les persones trans son les que más sufren acosu, discriminación y agresiones físicas o sexuales: un 58,3 % sufrió acosu, un 54,2 % discriminación y un 16,7 % dalgún tipu d'agresión física o sexual.

Falando d'estos datos, **distintos informes estatales amuesen una realidá preocupante**. L'informe Estado del Odio LGTBI+ 2023 señala que les **persones trans** son les que más sufren **acosu, discriminación y agresiones físicas o sexuales**: un 58,3 % sufrió acosu, un 54,2 % discriminación y un 16,7 % dalgún tipu d'agresión física o sexual. [9.] Nel estáu español, rexistráronse **528 delitos d'odiu venceyaos cola orientación sexual ya identidá de xéneru nel 2024**, convirtiéndose nuna de les categorías de violencia más frecuentes. [10.] Amás, los estudios sobre persones trans y non binaries indiquen una fuerte **infradenuncia**: na Xunióu Europea namás el 13 % de les persones trans y non binaries denunció'l so últimu incidente de discriminación y namás el 12 % denunció l'últimu incidente d'acosu. [11.]

Nel contestu global actual, les movilizaciones sociales yá nun tán teniendo'l mesmu efeutu que n'otres dómines. Amás, el sentimientu d'unidá y llucha dientro del coleutivu LGTBIQA+ paez amosar **señales d'agotamientu**.

Paeznos evidente qu'esti retrocesu ta venceyáu al **ascensu de la extrema derecha** y a la **colaboración de sectores reaccionarios y transfobos**, incluyendo posiciones presentes dientro de sectores LGB y movimientos TERF. Les sos **estructures mediátiques, sociales y económiques** utilicen los nuegos drechos pa dixebrar a la clas trabajadora y pa enfrentanos ente nós.

Dende la mocedá d'Aína pensamos que les persones, organizaciones y partíos que defendemos los drechos LGTBIQA+ **nun tamos sabiendo responder colectivamente a esta ofensiva nin siendo capaces de continuar cola lliberación de xéneru**. Poro, pensamos que reflexonando dende la hestoria de resistencia y llucha tenemos que **construyir un horizonte nel que los nuegos drechos y realidaes nun sían discutíos nin cuestionaos**.

Énte esta situación, ye necesario **dar rempuesta al odiu y a la violencia fascista, clasista y LGTBIQA+fóbica**. Y pa construyir esi futuru fai falta **falar, reflexonar, planificar y lluchar**.

**Nós tenemoslo nidio: somos de xéneru lluchador.**



## REFERENCIAS

1. Wikipedia contributors. (s.f.). Llei de folgazanes y maleantes. En Wikipedia, la enciclopedia llibre. Recuperáu'l 18 de mayu de 2026, de [Llei de folgazanes y maleantes - Wikipedia](#)
2. Llei sobre peligrosidá y rehabilitación social. (s.f.). En Wikipedia, la enciclopedia llibre. Recuperáu'l 18 de mayu de 2026, de [https://ast.wikipedia.org/wiki/Llei\\_sobre\\_peligrosid%C3%A1\\_y\\_rehabilitaci%C3%B3n\\_social](https://ast.wikipedia.org/wiki/Llei_sobre_peligrosid%C3%A1_y_rehabilitaci%C3%B3n_social)
3. Aparicio, D. (2018, 19 xunu). La OMS elimina a la transexualidad de los trastornos mentales. Psyciencia. <https://www.psyciencia.com/la-oms-elimina-a-la-transexualidad-de-los-trastornos-mentales/>
4. España. Jefatura del Estado. (2023). Ley 4/2023, de 28 de febrero, para la igualdad real y efectiva de las personas trans y para la garantía de los derechos de las personas LGTBI. Boletín Oficial del Estado (BOE), núm. 51, de 1 de marzo de 2023. <https://www.boe.es/buscar/doc.php?id=BOE-A-2023-5366>
5. Principado de Asturias. (2026). Anteproyecto de ley asturiana LGTBI [PDF]. Newtral. <https://www.newtral.es/wp-content/uploads/2026/02/Texto-Anteproyecto-LeyLGTBI-1.pdf>
6. Infocop. (2023). Los y las jóvenes LGBTIQ+ presentan mayor riesgo y tasas más altas de acoso escolar, según un informe. Infocop Online. <https://www.infocop.es/los-y-las-jovenes-lgbtqi-presentan-mayor-riesgo-y-tasas-mas-altas-de-acoso-escolar-segun-un-informe/>
7. Gobierno del Principado de Asturias. (2024, 20 diciembre). Declaración institucional del Observatorio contra la LGTBIfobia y las agresiones LGTBIQ+ [PDF]. Gobierno del Principado de Asturias. [https://actualidad.asturias.es/documents/533407/0/2024\\_12\\_20%2BNP%2BDeclaracion%2BObservatorio%2BAgresiones%2BLGTBIQ.pdf/8b1ae4d7-384f-d2a6-d170-0092d83f9d3f?t=1734708847383](https://actualidad.asturias.es/documents/533407/0/2024_12_20%2BNP%2BDeclaracion%2BObservatorio%2BAgresiones%2BLGTBIQ.pdf/8b1ae4d7-384f-d2a6-d170-0092d83f9d3f?t=1734708847383)
8. Gobierno del Principado de Asturias. (s.f.). Observatorio asturiano contra la LGTBIfobia. Portal de Transparencia del Principado de Asturias. <https://transparencia.asturias.es/-/organos-colegiados/consejeria-ordenacion-territorio/observatorio-asturiano-lgtbifobia>
9. Federación Estatal LGTBI+. (2023). Estado LGTBI+ 2023: Informe sobre delitos de odio y discriminación [PDF]. FELGTBI+. [https://felgtbi.org/wp-content/uploads/2023/12/Informe\\_DDOO23\\_felgtbi.pdf](https://felgtbi.org/wp-content/uploads/2023/12/Informe_DDOO23_felgtbi.pdf)
10. RTVE.es. (2025, 18 julio). Los delitos de odio bajan un 13,8% en 2024: la mitad son racistas y crece el antisemitismo. RTVE Noticias. <https://www.rtve.es/noticias/20250718/delitos-odio-bajan-13-2024-mitad-son-racistas-crece-antisemitismo/16669398.shtml>

